



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 2. Explicantur priores quinque conditiones Confessionis.

urn:nbn:de:hbz:466:1-37144

Atque frequens, nuda, & discreta, libens, verecunda,
Integra, secreta & lacrimabilis, accelerata,
Fortis, & accusans, & sit parere parata.

Non sunt autem omnes hæ conditions ad Confessionem necessariae, ita ut ex eiuslibet defectu reddatur invalida; sed tantum aliquæ, quæ reduci possunt ad tria capita, quorum I. est, ut Confessio sit integra. II. ut sit dolens seu lacrimabilis. III. ut sit vera, seu fidelis. Sed ut ut reliquæ conditions non sint, ut dixi, omnes ad Confessionem necessariae, sunt tamen valde utiles, & multum conducunt ad pleniorē pœnitentis instructionem, de Sacramentali Confessione rectè instituenda. Quocirca 'commodū & opportūnum dixi, singulas breviter expli- care.

ARTICULUS II.

*Explicantur priores quinque con-
ditiones Confessionis.*

28. Ut Confessio bene & utiliter instituatur, debet esse I. *simplex*, id est, talis, ut careat verbis superfluis, sicutatis & obscuris, sed ut pœnitens uratur verbis brevibus, communibus, & apertis, proſus eo modo, quo putet, peccata sua commodissimè posse intelligi secundum suam speciem, imò & numerum. Unde non sufficit, peccata sua ita artificiosè narrare, ut à Confessario non ponderentur; vel ita generaliter & confusè, ut nequeat Confessarius percipere, sitne veniale vel mortale; de quo sit confessio: ut si quis generaliter dicat; *habui turpes*

cogitationes: aut sub disjunctione: sensi motum libidinis, vel cum consensu, vel sine consensu: talis enim facit Confessionem obscuram, cùm intelliginon possit, sitne de veniali aut mortali, vel etiam de eo, quod per indeliberationem seu defectum omnimodæ advertentia, nullum penitus peccatum: de his enim omnibus potest illa Confessio accipi. Igitur om̄is illis generalibus, involutis & obscuris verbis, quæ confessionem reddunt ambiguam, pœnitens utatur potius verbis claris, quibus suum peccatum simpliciter explicet: quod equidem fieri, si adhibeat nomen proprium ipsius peccati ac specificum, quod videlicet sufficiat ad intelligentiam illius speciem. Sed illud quoque cogitandum est, ipsam veritatis lucem s̄pē non parūm obſcurari nimia verborum multiplicatione, cùm esse non possit, quin in tanta verborum profusione aliquid addatur vel detrahatur sermonis sinceritat. Ex quo proinde illud consequi necesse est, ut tum seipsum quis perturbet, & memoriae suæ sit impedimento: tum verò judicium Confessarii ejusmodi multiloquio circumducatur, ut is, ubi cardo Confessionis vertitur, s̄pē non possit attendere. Sed enim vero quoniam haec sunt cum insigni iactura temporis, nec alibi usp̄am concedi debent, ne dum in Confessione: nam ipsa Confessio his nūgis in immensum extenditur, & proximè fecuturis (quibus fortassis ad multas horas integrum non sit ibi considere) scandalum præbemus, vel impedimentum, vel etiam utrumque.

29. At funt, qui dicant, mulieres praesertim, & qui his similes sunt ex viris, se non posse consiteri, nisi longam texant

oratio.

orationem, & peccata sua historicè reci-
tent, tanquam res sit magni momenti,
quaë artem & orationem requirat exqui-
fitam: sed profectò non ita habet. Ille
solus hoc negotio rectè defungitur, qui
verbis brevibus, sine p̄xambulis, ambagi-
bus, longis fabulis, & narratione hi-
horæ sua detegit peccata; atque huc fa-
cit, ut unum idemque peccatum non sæ-
pius reperamus, semper aliud adjacentes,
quod lcrupulofit vel curiosi animi: hoc
verò fit, si idem peccatum modò inter
cogitationes, modò inter verba & ope-
ra, modò in Decalogo aut inter P̄cepta
Ecclesiæ, modò inter peccata capitalia
recenseamus: quod quidem etiā priva-
tum non malè fiat, in Confessione tamen
nec laudari debet, nec tolerari: ex sim-
plici enim peccati Confessione statim
constat, cui virtuti, aut quibus præceptis
adversetur. Huc quoque facit, si cir-
cūstantiæ transcendentales, & multò ma-
xime impertinentes non omitiantur, de
quibus suprà p. 1. n. 48. 78 & 79. Simi-
liter contra simplicitatem peccat, qui in
explicatione suorum peccatorum utitur
verbis synonymous, seu multiplicat verba
idem proflus significantia: ut, si dicat,
in recitatione suorum precum *non fuisse*
attentum, sed distraictum: priora enim
illa abundant, cùm certissimum sit, cum,
qui distraictè legit, non attendisse. Eju-
modi inutilis repetitionis reus est, qui
longo ordine & serie peccata enumerat,
quaë, quòd solo numero differant, suf-
ficit, uno suæ speciei nomine exprimere,
addito, si necesse sit, solo numero juxta
distra p. 1. n. 92. sic non rectè facit,
qui dicit, quòd suum proximum appellat
stultum, asinum, stuporem, cacum,

diabolum, furem, nequam, hereticum &c.
poterat uno verbo brèviter dicere: *con-
victiæ in alterum jeci, ter*: quæcumque e-
nim ea sint, non differunt specie, &
idecirco specialiter non sunt exprimenda;
multo minus si addas, quòd, qui ejusmo-
di convitijs affectus fuit, fuerit tuus con-
tribernalis, socius aut condiscipulus;
nam neque hæ circumstantiæ quidquam
faciunt ad variandum morale judicium.
Non igitur diutius immorandum est in
Confessione, quam par sit & necessa-
rium, ut confessarius possit, pro ut ad
Sacramentum Pœnitentiæ requiritur,
judicare, fuerintne peccata mortalia, an
venialia, de quibus sit Confessio: cete-
ra omnia, ceu superflua, sunt amputan-
da. Nihilominus tamen, quod Bonac.
D. 5. q. 5. f. 2. p. 2. §. 2. Henr. I.
c. 3. n. 2. bene notant, non redditur Con-
fessio invalida, si nimis exacta, proli-
xâ & superflua narratione peccata ex-
plicentur (ut ferè solet ab idiotis & scrupu-
losis) si id non alia intentione fiat,
quam ut peccata magis & melius decla-
rentur.

30. Conditio II. *Humilis* I. quoad
intellectum & affectum, recognoscendo
propriam ad quidquam boni, nisi cum
Divina gratia, operandum imbecillitat-
em; proclivitatem ad peccandum, & ob
commissa peccata miserabilem statum &
inde natam vilitatem, ut meritò cum pec-
catore apud S. Lucam c. 18. cum omni
subjectione ad Divinam Majestatem o-
culos attollere non audeamus; saltē
humili voce clamemus, percutientes pe-
ctus nostrum, dicendo, *D E U S propi-
tius eftomiki peccatori:* & cum filio pro-
digio apud eundem S. Lucam c. 15.

Pater peccavi in celum & coram te, & jam non sum dignus vocari filius tuus. II. Etiam exteriū, tum quoad verba seu modos loquendi, ut scilicet non dicat sua peccata cum jactantia (hoc enim est novum & sacrilegum peccatum, si quidem mortale sit, de quo est ea stulta gloria) aut sermone juxta leges Rhetoricas ornato & comperto; hæc enim est inanis sui ostentatio: tum quoad corporis compositionem, ut tanquam reus petat suorum peccatorum veniam flexis genibus & aperto capite, nisi aliud necessitas permittat aut exigat: hactamen nulla interveniente, si aliter fiat, non majus quam veniale peccatum committitur; nec Confessio redditur invalida, si cætera necessaria concurrent, præter istam corporis compositionem & orationis compotæ ac phaleratae neglectum. Bonac. n. 2. Navar. in cap. Fratres. Dist. 5. de Panit. n. 11. Reginald. l. 6. n. 63. Hic cavenda est hypocrisis, ne scilicet unicontaetur gravia peccata, alteri vero ad captandam apud ipsum & conciliandam innocentia & sanctitatis famam tantum venialia & imperfectiones. Sed de hoc jam sat's suprà p. 1. n. 121. quibus hic ex Henr. l. c. addendum est, secundum confessarium non debere revelare, se istius Confessionem audivisse, ne forte alter malum suspicetur.

31. Conditio III. Pura: id est, non mixta verbis impertinentibus: quod ad simplicitatem spectat. Navar. l. c. & cap. 2. n. 5. nec ex pravo aliquo fine, sed ut fiat sincero animo & intentione obtinendi veniam seu placandi DEUM. Si enim Confessio fiat ob malum aliquem, & mortaliter peccaminosum finem, red-

ditur invalida: si vero dirigatur in finem venialiter malum, v. g. ad vanam gloriam inde aucupandam, Confessio subsistit, & plus quam venialiter non peccatur, nec impeditur fructus Sacramenti. Henr. n. 3. Bonac. n. 4. Reginald. l. 6. c. 5. n. 149. Navar. c. 21. n. 40. & cap. 23. n. 13. Sanch. l. 1. Mor. c. 3. n. 1. & alij. Quod si autem penitens præter finem, quem principaliter intendit, nimis reconciliationem cum DEO seu peccatorum remissionem, secundariò etiam aliquid aliud, dummodo non illicitum, intendat, v.g. evasionem alicujus infirmitatis aut infortunij, consecutionem alicujus boni, etiam temporalis, non viat Confessionem: hoc enim & in alijs bonis operibus fieri potest, nec finis secundarius excludit finem principalem. Reginald. c. 3. n. 64. Henr. lit. G. & H.

32. Conditio IV. Fidelis: id est, digna, cui fides adhibeat, seu, ut alij explicant, verax, sine fallacia, deceptione, & mendacio. Reginald. n. 66. Navar. ad cap. Fratres. Dist. 5. de Panit. n. 14. id vero fit, cum quis nihil omittit confiteri, quod commisit, neque quidquam confitetur, quod non commisit, sed dicit certa pro certis, dubia pro dubijs. Videlice audiuntur, qui dicant, se quovis momento, quovis iectu oculi in omnia precepta Decalogi, Ecclesiæ &c. delinquisse, qui tamen, si in specie rogen-
tur de peccatis, aut nihil respondent, aut nullius, vel saltem non omnium se reos esse, examinati contestantur. Porro mentiri in Confessione circa materiam necessariam, peccatum est mortale. Bonac. r. 7. Coninch. D. 6. d. 3. n. 8. Suar. D. 22. f. 10. n. 10. & n. 11. Reginald. n. 67. Navar.

Navar. c. 21. n. 37. & in allegato supra cap. Fratres. n. 26. & alii communiter. Veniale vero, si mendacium contingat in materia sufficienti quidem sed non necessariâ, quale est omne peccatum veniale, imò etiam mortale, quod jam semel per veram & legitimam pœnitentiam est expiatum, vel cuius reticendi hic & nunc justa subest causa. Coninch. l.c. Navar. c. 21. n. 37. & 38. Reginald. n. 70. & alii. Denique mentiri intra Confessionem in materia ad eam prorsus non pertinente, qualis est, quæ nullam continet malitiae rationem, peccatum grave est vel leve, prout grave vel leve esset, si extra Confessionem fieret. Coninch. n. 6. Suar. n. 3

33. Hinc mortaliter peccat. I. Qui falsò affirmat, se admisisse peccatum mortale, quod tamen non admisit; vel falsò negat peccatum itidem mortale, quod admisit, neque unquam hactenus legitimè confessus est, neque justam negandi causam habet. Coninch. Dicast. D. 8. d. 3. n. 40. ex communi omnium sententia. II. Qui majorem numerum peccatorum mortaliū exprimit, quam revera commiserit. Bonac. n. 9. Possunt tamen hic excusari simplices & rudes, qui malunt majorem, quam verè sit, numerum suorum peccatorum exprimere, bona fide rati, consutius esse, le majori numero gravare, quam exonerare. Bonac. l.c. Navar. in eis. cap. Fratres. n. 27. Sanch. l. 1. Moral. c. 10. n. 68. Reginald. n. 67. Suar. D. 22. f. 10. n. 11. & alii. III. Qui peccata mortalia certa exprimit pro dubiis, & dubia pro certis. Bonac. n. 10. Suar. f. 9. n. 2. Coninch. D. 7. d. 8. n. 66.

34. E contrario non peccat, nisi ve-

nialiter I. qui peccatum veniale falsò vel negat, vel affirmat, v. g. se leve dampnum proximo intulisse, leviter alienæ famæ detraxisse &c. Bonac. n. 12. Regin. n. 68. Navar. n. 22. & cap. 21. Man. n. 37. nisi fortassis hoc peccatum leve sit unica Confessionis materia: tunc enim talis peccat graviter, non quidem quia mentitur, sed quia gravem Sacramento injuriam infert, dum materiū ad ejus exercitium minimè sufficientem subjicit: neque enim peccatum falsum capax est absolutionis. Navar. dicto cap. 21. n. 37. & in cap. Fratres. n. 27. Coninch. D. 6. d. 3. n. 9. Reginald. n. 69. Bonac. l.c. & alii. II. qui negat, se commisisse aliquod peccatum mortale, quod hic & nunc non tenetur confiteri: vel quia jam semel illud est legitimè confessus, vel quia habet justam & gravem causam illud hic & nunc non contendi. Navar. c. 21. n. 38. Coninch. n. 8. Suar. f. 10. n. 4. & alii communiter. Imò contingere potest, ut hic omnino non peccet, si nimis trum tunc utatur æquivocatione, ut eum posse uti tradit Dicast. D. 8. d. 3. n. 37. Cum enim, quantum est præcisè ex vi ipsius Confessionis, non habeat Confessarius jus interrogandi quidquam circa materiam Confessionis non necessariam, non tenetur pœnitent ad interrogata responderē; & ut mendacii reus non constituatur, poterit suam mentem ad certum, sibi quidem notum, qui tamen etiam ab altero facilè possit deprehendi, sensum restringere. III. Qui interrogatus à Confessario, quæ ejus sit patria, num ipsius pater aut avus gesserit tale officium &c. substituit veræ patriæ alium locum, ex quo non est oriundus, vel falsò negat se scire.

se scire, an pater suus aliquando gesserit talis magistratum, cum tamen sciat, aut omnino negat, eum gessisse, cum tamen gesserit: & ex eo id negat, quod videat, haec & similia ad suorum peccatorum naturam explicandam nihil penitus pertinere. Reginald. n. 70. Navar. in Cap. Fratres. n. 25. Galii. Et ratio esse potest: si enim mentiri in Confessione circa venialia, quæ tamen possunt esse materia Confessionis, non est peccatum mortale; multò minus erit circa alia, quæ ad propriorum peccatorum Confessionerū instituendam nihil attinent.

35. Conditio V. *Frequens*: quæ duobus modis intelligi potest: uno, ut quis sœpe confiteatur; & hoc est consilii. Bonac. n. 14.. Navar. n. 28. ex ira mortis enim articulum non est, ut *suprà* n. 12. diximus, præceptum directè nos obligans ad frequentiam Confessionem: seclusa ergo Ecclesiæ determinatione nemo, et si peccato mortali obstrictus fuisset, obligatus fuisset extra dictum mortis articulum confiteri, modò credidisset le esse contritum. Indirectæ vero obligationes constendi duas sunt: prior est, cum quis suscepturnus est Eucharistiam, & recordatur, peccati mortalis se reum esse: posterior est, si quis cedat, se certam speciem peccati, in quod crebro labitur, visitare non posse, nisi consilio & auxilio viri alicujus prudentis, quem tamen consulere vel non velit, vel non possit nisi intra Confessionis Sacramentum. Laym. l. 5. tr. 6. c. 5. n. 6.

36. Alter modus, quo haec conditio intelligi potest, in hoc consistit, ut quis peccata, jam alias ad Confessionis Tri-

balallata, denuo confiteatur. Et hoc etiam consili est, non præcepti: si quidem sermo sit de peccatis legitimè expiatis; ad haec enim clavibus rursus subscienda nemo potest ulla humana auctoritate compelli, nisi ipsem velit & consentiat, ut Navar. n. 30. & alii communiter docent. Aliud est de peccatis sacrilegè confessis; haec enim utique rursus aperienda sunt in alia proxima Confessione, & quidem ex præcepto, cum nondum sint legitimè expiata: de quo etiam nemo dubitat.

37. Jam vero frequentem instituere Confessionem de peccatis non tantum novis, sed etiam antiquis, hoc est, de iis, quæ jam semel fuerint legitimè & Sacramentaliter soluta, consilium est vel eo nomine per quam utile & salutare, quod Confessio Sacramentalis timorem DEI & odium peccati valde conserveret, & pœnam temporalem, in quam mutata est æterna, minuat, tum propter verecundiam, quam pœnitens suffert; tum propter absolutionem Sacramentalem, per quam non solum augetur gratia, sed etiam pœna in purgatorio alias perferenda minuitur. Navar. n. 29. Laym. c. 3. n. 5. ubi etiam monet, decens esse, ut, qui antiqua peccata ad Confessionem adfert, moneat ea de te Confessarium, ut nimirum tam præsens pœnitentis status cognosci, quam consentanea pœnitentia injungi possit.

38. Illud tamen hoc loco bene notandum est, quamecumque sanctum sit & utile, peccatorum jam semel ritè Confessorum Confessionem sèpius iterare, sœpe tamen expedire, ut oblivioni tradantur,

dantur, præterim quando per eam iterationem (ut scrupulis contingit) inquieta redditur conscientia, & Confessarius molestia non mediocri afficitur, tempusque melioribus occupationibus alioquin impendendum perditur, aut quando sunt peccata carnalia, aut alia, quorum frequens memoria non raro inducit in periculum novi consensus. Hoc ergo casu saepe iterare antiquorum peccatorum Confessionem non est laudabile, sed vituperabile. Sed de generali Confessione plura dicendi commodior alibi locus erit.

ARTICULUS III.

Explicantur aliae quatuor Conditiones Confessionis.

39. Conditio VI. *Nuda*: id est, clara & aperta, non palliata aut vestita coloribus, quibus peccata ita obscurantur, ut ex modo ea proponendi eorum nec speciem, nec gravitatem, ne turpitudinem Confessarius possit percipere; neque satis intelligere, quid ab ipso paenitente dicatur. Qua in re non minus peccatur, quam si peccatum omnino tacetur, murilam scilicet Confessionem faciendo; tam nihil interest, an quis taceat interrogatus, vel verbis tam obscuris suum involvat respondit, ut incertum dimittat interrogantem. Navar. n. 52. Reginald. l. 6. c. 3. n. 72. Undescut invalidam facit Confessionem, qui tacer, quod necessariò dicendum erat; ita etiam is, qui ita obscure & recte loquitur, à Confessario vel omnino non intelligatur, vel certè aliter, quam ipse paenitens novit: ut cum novit certò,

R.P. Stoß Trib. Penit.

peccatum a se commissum esse; Confessarius vero intelligit cum dubio. Hinc etiam non sufficit dicere peccata in generali, nisi in articulo mortis, quando alter fieri non potest.

40. Neque isto melior aut apertior est ille alius confitendi modus hypotheticus, cum vel paenitens se sub conditione accusat in hunc ferè modum: si consensi turpi cogitationi, me accuso: si detraxi graviter; si preces meas voluntatiè distractus persolvi &c. vel si præeunte & interrogante confessario: si turpiloquio delectatus es; si osculatus es puellam &c. nonne petis à DEO veniam? responder: Ita Domine. Talis enim Confessio non est accusatio sui de propriis peccatis, neque manifestatio alicujus absolutæ determinationis illorum, per quam sufficienter & clarè constare poslit, adesse materiam absolutionis, ne eam temere impendendo Sacilegium committatur.

41. Conditio VII. *Discreta*: id est, prudens; qualis erit I. si paenitens caveat, ne quemquam in Confessione decore afficiat vel infamia: & ideo aliena crimina, que ad propriorum explicationem non faciunt, non detegit. Est enim magnus non paucorum abusus, qui dum confitentur, non tam sua, quam aliorum peccata, enucleat quidem, sed planè impertinenter enarrant, ut viri uxorum, uxores virorum, servi dominorum, alii aliorum. Ethi utique à Confessario graviter monendi sunt, ut ab hujusmodi alienorum peccatorum manifestatione abstineant, tum ut ne & ipsi detractionis peccatum committant, &c. ubi peccatorum omnium remissio ac veniam querenda erat & invenienda, in grā

O

vera